

Sed prorsus australiores sedes habere, inquit, in locis uero circa Meroë, iam satis colore sunt nigri, & primum Aethiopes meri, ibique elephantum ac mirabiliorum animalium pascitur genus.

In caput nonum annot.

Improbatis terrestribus profectioibus reprehendit hic author maritimas profectioes, ex quibus Marinus putauit finem totius Australis latitudinis subiectum brumali tropico. Vnam harum nauigationum dicit Diogenem quendam fecisse ab Aromatis ad Rhaptum promontorium 25. diebus Aquilone spirante, alterum uero dicit Theophilum quendam cōsecisse à Rhapto ad Aromata 20. diebus austro flante. Sed ex his nauigationibus Marinus non potuit certò deprehendere Agisymbæ regionis & Rhapti promontorij recessum seu distantiam ab æquinoctiali, cum non cōstiterit in quam mundi inclinationem cuiuslibet diei nauigatio facta extiterit, neque credendum sit Diogenem eodem semper Aquilone fuisse impulsus, aut Theophilum unico Austri statu reductum. Ad dicitur & tertia cuiusdam Dioscori à Rhaptis ad Prassum promontorium nauigatio, quæ quinque tantum milium stadiorum supponitur, multis autem diebus impletam ait Marinus ob lentam uentorum spirationem, quæ sub æquinoctiali solisq; obliquatione fieri cōsueuit. Si quidem uenti sub æquatore sunt tenues & facile mutabiles, quod solis uirtus uapores & exalationes consumat, in frigidis uero & montuosis locis ex materie multitudine uehemētiores flatus procreantur, unde constat ne lociorem esse nauigationem ad æquinoctiale quam ab æquinoctiali. Ex his itaq; nauigationum diuersitatibus Ptolemæus infert Marinum nõ debuisse credere expositarum nauigationum diebus, ut eisdem moueretur, Prassum promontorium Agisymbamq; regionem brumali subiecta tropico. Subdit proinde Ptolemæus causam, ob quam Marinus prædictarum nauigationum spacia contraxerit usque ad brumalem tropicū. Nam si eas longius ab æquatore mouisset, coactus fuisset asserere, Agisymbam regionem atque Prassum promontorium, in quibus Aethiopes habitant, elephanteq; pascuntur & rhinocerotum conuentus existit, gelidæ zone supponi, quæ sub opposita zona à tropico scilicet æstiuo in septentrionem uergente, nusquam reperiuntur. Neesse enim uidetur, ut sub oppositis parallelis similes animantes, similiaq; plantarum genera pro simili aëris habitudine inuenian-

tur. Refugiendum ergo est, quando certa ratio regionis alicuius haberi nequit, ad habitudines proprietatemque regionum atque locorum, nempe ad formas & colores hominum atq; uaria genera animantium in eisdem locis morantium. Ex his enim coniecturare licet, locorum ac regionum positiones respectu æquatoris. Et in hunc modum probari potest, Agisymbam interiorum Aethiopum regnum, cuidam subijci parallelo, qui æquinoctiali propinquior existat quam hybernus tropicus, cui eosdem supponi Aethiopes credere par non est. Nam sub opposito parallelo, hoc est, sub æstiuo tropico, non sunt tam nigri homines quam Aethiopes, neque rhinoceroes aut elephantés, sed à Syene uersus æquinoctialem schœnis, id est, subibus triginta, & prope Meroë primū excellenter nigricantes inueniuntur Aethiopes & elephantés. Notandum hic, schœnum triginta continere stadia, quam mensuram Herodotus Parafangem appellat, & est paruum miliare Germanicum. Aromata promontorium & ciuitas est Aethiopiæ sub Aegypto, habens in longitudine gradus 83. & in latitudine gradus 6. uel, ut infra dicitur, gradus 4. & minuta 15.

Q U O D N O N O P O R T E A T

Aethiopes supponere meridionaliores, quam sit parallelus oppositus per Meroem. Cap. X.



Vapropter bene habet usque huc, id est, Aethiopes usque, quemadmodum nobis traditio historiarum de moribus, quæ in illis degunt oris explicat, constatq; Agisymbam regionem, et Prassum promontorium, cum his quæ eidem subiacent parallelo, describendam esse, sub eo ferme, qui ipsi opponitur per Meroem, hoc est, qui ab æquinoctiali meridiem uersus distat partibus æqualibus sedecim ac tertia una cum duodecima, stadiis uero octo milibus ac ducentis ferè. Ita ut si tota latitudo exactius colligatur, partes sint nouem & septuaginta, tertia una cum duodecima, uel integræ octuaginta, stadia uero milia quadraginta. Credendum præterea, distantiam eam, quæ est inter magnam Leptim & Garamam, quemadmodum & Flaccus & Maternus supposuerunt